

Trosolwg

Mae'r safon hon yn ymdrin â rhoi cyfeiriad i staff ym maes lletygarwch a'u hysgogi a'u cynorthwyo i gyflawni amcanion y tîm a'u hamcanion gwaith personol. Mae'r safon hon i staff ym maes lletygarwch sydd â chyfrifoldebau arwain tîm, rheoli llinell gyntaf neu oruchwylio.

Mae arweinwyr rhagorol yn cael y gorau o'u pobl. Nid ydyn nhw'n canolbwyntio ar yr hyn na all aelodau o'r tîm ei wneud, ond yn hytrach ar yr hyn y gallan nhw ei wneud! Mae arweinwyr cryf yn rhoi cyfeiriad clir, gan greu ymdeimlad o bwrpas cyffredin, er mwyn i bawb ddeall ei amcanion ei hun ac amcanion y tîm. Fodd bynnag, nid dyna'r cwbl. Mae arweinwyr effeithiol yn sicrhau bod amser ar gael i gynorthwyo eu tîm. Gwerthoedd fel uniondeb, tegwch, parch a pharodrwydd i helpu yw popeth iddyn nhw.

Yn anad dim, efallai, mae'r arweinwyr gorau yn cymryd cyfrifoldeb personol dros wneud i bethau ddigwydd, ond maen nhw'n cyflawni'r canlyniadau gorau trwy gynorthwyo, grymuso a datblygu eu timau.

Pan fyddwch wedi cwblhau'r safon hon byddwch yn gallu dangos eich dealltwriaeth o'r canlynol, a'ch gallu i'w gyflawni:

- Rhoi arweiniad i'ch tîm

Rhoi arweiniad i'ch tîm

**Meini prawf
perfformiad***Rhaid i chi allu:*

1. Cyfleu diben ac amcanion y tîm i'w holl aelodau
2. Cynnwys yr aelodau yn y gwaith o gynllunio sut y bydd y tîm yn cyflawni ei amcanion
3. Sicrhau bod gan bob aelod o'r tîm amcanion gwaith personol a'i fod yn deall sut y bydd cyflawni'r rhain yn cyfrannu at gyflawni amcanion y tîm
4. Annog a chynorthwyo aelodau'r tîm i gyflawni eu hamcanion gwaith personol ac amcanion y tîm a rhoi cydnabyddiaeth pan gaiff amcanion eu cyflawni
5. Trwy eich perfformiad chi, ennill ymddiriedaeth a chefnogaeth y tîm i'ch arweinyddiaeth
6. Llywio'r tîm yn llwyddiannus trwy anawsterau a heriau, gan gynnwys problemau sy'n ymwneud â gwrthdaro, amrywiaeth a chynhwysiant yn y tîm
7. Hybu a chydabod creadigrwydd ac arloesedd yn y tîm
8. Rhoi cefnogaeth a chynghor i aelodau'r tîm pan mae arnyn nhw eu hangen, yn arbennig yn ystod cyfnodau pan geir problemau a newidiadau
9. Ysgogi aelodau'r tîm i gyflwyno eu syniadau eu hunain a gwrando ar yr hyn maen nhw'n ei ddweud
10. Annog aelodau'r tîm i gymryd yr awenau pan fo ganddyn nhw'r wybodaeth a'r arbenigedd i wneud hynny, a dangos eich bod yn fodlon dilyn yr arweiniad hwn

Gwybodaeth a dealltwriaeth

*Mae angen i chi wybod
a deall:*

1. Gwahanol ffyrdd o gyfathrebu'n effeithiol ag aelodau o dîm
2. Sut i osod amcanion CAMPUS (Cyraeddadwy, Amserol, Mesuradwy, Penodol, Uchelgeisiol, Synhwyrol)
3. Sut i gynllunio'r gwaith o gyflawni amcanion y tîm a phwysigrwydd cynnwys aelodau'r tîm yn y broses hon
4. Pwysigrwydd dangos i aelodau'r tîm sut mae amcanion gwaith personol yn cyfrannu at gyflawni amcanion y tîm, a'r gallu i wneud hyn
5. Bodolaeth dulliau arwain gwahanol
6. Sut i ddewis a defnyddio'n llwyddiannus nifer gyfyngedig o ddulliau gwahanol o ysgogi, cynorthwyo ac annog aelodau'r tîm a chydabod eu cyflawniadau
7. Mathau o anawsterau a heriau a all godi, gan gynnwys problemau sy'n ymwneud â gwrthdaro, amrywiaeth a chynhwysiant yn y tîm a ffyrdd o'u hadnabod a'u goresgyn
8. Pwysigrwydd annog pobl eraill i gymryd yr awenau a ffyrdd y gellir cyflawni hyn
9. Buddion annog a chydabod creadigrwydd ac arloesedd mewn tîm, a sut i wneud hyn
10. Gofynion cyfreithiol, rheoliadol a moesegol yn y diwydiant/sector
11. Aelodau, diben, amcanion a chynlluniau eich tîm
12. Amcanion gwaith personol aelodau o'ch tîm
13. Y mathau o gymorth a chynghor mae'n debygol y bydd eu hangen ar aelodau'r tîm a sut i ymateb i'r rhain
14. Safonau perfformiad ar gyfer gwaith eich tîm

Ymddygiadau

1. Rydych yn creu ymdeimlad o bwrpas cyffredin
2. Rydych yn cymryd cyfrifoldeb personol dros wneud i bethau ddigwydd
3. Rydych yn annog ac yn cynorthwyo pobl eraill i wneud penderfyniadau'n annibynnol
4. Rydych yn gweithredu o fewn terfynau eich awdurdod chi
5. Rydych yn sicrhau bod amser ar gael i gynorthwyo pobl eraill
6. Rydych yn dangos uniondeb, tegwch a chysondeb wrth wneud penderfyniadau
7. Rydych yn ceisio deall anghenion ac ysgogiadau pobl
8. Rydych yn modelu ymddygiad sy'n dangos parch, parodrwydd i helpu a chydweithrediad

Cysylltiadau â SGC eraill

Mae'r safon hon yn gysylltiedig â'r holl safonau eraill yng nghyfres safonau Lletygarwch Goruchwylio ac Arwain

Rhoi arweiniad i'ch tîm

Datblygwyd gan People 1st

**Dyddiad
cymeradwyo** 01 Chwef 2016

**Dyddiad Adolygu
Dangosol** 01 Maw 2021

Dilysrwydd Ar hyn o bryd

Statws Gwreiddiol

**Sefydliad
cychwynnol** Canolfan Safonau Rheoli

RCU gwreiddiol Uned B5

**Galwedigaethau
perthnasol** Arweinydd Tîm, Goruchwyliwr

Cyfres/Set Lletygarwch Goruchwylio ac Arwain

Geiriau Allweddol arweiniad, tîm
